

BA SARS BA KHASTOMO BA TSHWERE LENAKA LA TŠHUKUDU KA OR TAMBO

Tshwane 3 June 2022 - Yuniti ya Khasetomo ya Ditirelo tša Motšhelo tša Afrika Borwa (SARS) ka tirišanommogo le Ditirelo tša Maphodisa tša Afrika Borwa (SAPS) ba kgesitše maitekelo a go mokola lenaka la tšhududu ka katlego ka ntle ga naga morago ga go longwa tsebe ka ga morwalo wa go belaetša wo o bego o lebile Abu-Dhabi.

Sehlopha sa Khasetomo se arabile ka go romela baofisiri lefelong la merwalo fao merwalo e bego e sekenwa, le go tlhagiša diswantšho. Dithoto tše pedi tša merwalo di be di phuthetšwe ka polastiki di ile tša išwa lefelong la go setšha la Khasetomo, fao merwalo e ilego ya sekenwa le go setšhwa. Nakong yeo go bego go setšhwa, gwa hwetšwa diripana tše lesomešupa (17) tša lenaka la tšhukudu, tša kimelo ya 25kg. Ba SAPS ba ile ba iša monamedi Setišing sa Maphodisa sa Ditšhabatšhaba. Dithoto di ile tša išwa go SAPS bakeng sa dinyakišišo tša go ya pele.

SARS e itemogetše palo e ntši ya maitekelo a go mokola manaka a tšhukudu ka Boemafofane bja Ditšhabatšhaba bja OR Tambo Ka Julae 2020 go fihla ka Aprele 2022 go tshwerwe manaka a šupa (7) a tšhukudu a polomoka ya diripana tše 137 a kimelo ya 482kg, ao a tshwerwego ka go profaela le dikgokaganyo tša kabelano ya tshedimošo.

- Aprelel 2022: diripana tše lesomepedi (12) tša manaka a tšhukudu, tša kimelo ya 30.7kg
- Disemere 2021: diripana tše tshela (6) tša manaka a tšhukudu tša kimelo ya 4kg tše di laodišitšwego bjale ka *'Personal Effects'*.
- Disemere 2021: diripana tše hlano (5) tša manaka a tšhukudu, tša kimelo ya 10kg tše di laodišitšwego bjale ka *'Scanners'*.
- Julae 2021; diripana tše masomepeditharo (32) tša manaka a tšhukudu, tša kimelo ya 160kg tše di laodišitšwego bjale ka *'Live Plants'*.
- Feberware 2021: diripana tše lesomeseswai (18) tša manaka a tšhukudu, tša kimelo ya 63kg tše di laodišitšwego bjale ka *'HP Cartridges Developers'*.
- Disemere 2020: diripana tše lesomešupa (17) tša manaka a tšhukudu tša kimelo ya 72.4kg tše di phuthetšwego ka gare ga kisara.
- Setemere 2020: diripana tše tshela (6), tša kimelo ya 4.9kg tše di laodišitšwego bjale ka *"Coffee Beans"*.
- Julae 2020: diripana tše masomennete (41) tša kimelo ya 137kg tše di laodišitšwego bjale ka *"Fine Arts"*.

Khomišinare wa SARS o tlhagišitše maikutlo a go leboga šedi yeo e filwego ke dietšensi ka moka tša semolao go tlhotlhana le maitekelo ka moka a bomenetša a go mokola manaka a tšhukudu.

O boletše gore, "Go tloga go hlekile gore dimenetša di tloga di gatetše pele ka bomenetša kudu ka manaka a tšhukudu. Maitekelo ka moka a go šoma ka go fa mohlala ga baofisiri ba Khasetomo bao ba šomago mmogo le Ditirelo tša Maphodisa tša Afrika Borwa go thibela bosenyi bjo a tloga a swanetše go lebogwa ke maAfrika Borwa ka moka. Molaetša wa rena o swanetše go kwagala ntle le ditšhitišo go dimenetša tše tša digongwana, gore re tla šoma ka maatla otlhe go itebanya le go

šomana le bona. Setšhaba sa bokamoso se swanetše go bona bohwa bja bosetšhaba bja diphoofolo tša naga”.

O tšwetše pele ka gore, “Bjale ka naga, ga re hloke fela go šireletša diphedi tše di lego kotsing eupša go kgonthiša gore bao ba tloago molao, ba hlokofatšwe, ba sekišwe gape ba golegwe sebaka se se telele. Se etloga le le go dira ka bomo gape ke mokgwatšhomo wa go hlokofatša ekonomi ya rena”.

Go hwetša tshedimošo enngwe, ikgakanye le SarsMedia@sars.gov.za

SEPHETHO





